

საქართველო

ნაკვეთი

საქ. რევოლუციური სინდიკატის
მხედრობის კავშირის ორგანო
ნაკვეთი
პირად 21 გარსი, გიგანტური
№ 2 1920 წ.

რედაქციის მისამართი: ქ. თბილისი, № 139,
ფული უნდა გამოიგზავნოს: რუსთაველის ქ. 139-ე
სტანბა ქართული ბეჭდვითი აბი., პლ. ლეჟანს.

წელ. 2.

გაზეთი გამოვა კვირაში ერთხელ — კვირარაობით

წელ. 2.

ამხანაგებო!

განსვლეთ, რომ „ნაკვეთი“ თქვენი ინტერესების დამცველია. გადეთ წელიწადი
გაზეთის ფონდისათვის და გამოგზავნეთ წერილები.

ამხანაგებო!

ტფილისი. მარტს 20
ბათომი. უკანასკნელი ცნო-
ბების მიხედვით, მოკავშირე-
ების გადაწყვეტილი ბათომი
პორტო-ფრანკოდ გამოაცხა-
დონ და აუ დაუფრებთ ზო-
გიერთ პირის ნაბიჯებს, აზ-
რად აქვთ შექმნა განსაკუ-
თრებული სახელმწიფო — აქა-
რისტანი, რომლის დედაქა-
ლაქიც ბათომი იქნება.

რას ნიშნავს ეს? უნდა თა-
მადად და გაბედულად ითქ-
ვას, რომ ეს ნაბიჯი, მოკავ-
შირე სახელმწიფოების მიერ
გადაღებული, ფეხით გათელ-
ვა ყოველგვარი სამართლია-
ნობისა, უდიერად შეურაცხ-
ყოფა ყოველგვარი ეროვ-
ნული თავისუფლებისა. გენის
კონგრესის შავი ხელმოწე-
ვის მტერების ეხლანდელ-
ი მოადგილენი, ხშირად
მოვარაუბებული, გაიძვრა ფრა-
ზეოლოგიტ აბჟყვრიალებუ-
ლნი, ვაჭრობენ სხვისი ბედ-
ნიერებით, ვაჭრობენ ნარდად
და ბითუმად და რას დაეძე-
ბენ, თუ მათი საქმენი-საგმი-
რონი ვისმეს მძიმე განსაც-
დელს უმზადებს...

შეიძლება პირდაპირ აღი-
ნიშნოს, რომ ეს „გონიერი და
გამოქნილი“ დიპლომატები
ჰქმნიან დღეს სწორედ იმ პი-
რობებს, რომელშიაც შეუძ-
ლია თავისუფლად ინაწი-
ლოს ღვარძლიანმა და თავშეუ-
კავებელმა შურის ძიებამ და
საშუალება არ მისცეს განა-
წამებ კაცობრიობას, სული
მოიბრუნოს და მართლაც
ეზიაროს კაცთა შორის მშვი-
დობას. ჩვენმა თანამოძმე აქა-
რლებმა მკაფიოდ და გადაჭ-
რით განაცხადეს: ჩვენ დაუშ-
ვლელი ერთობით ვართ და-
კავშირებული მოძმე ქარ-
თველებთან და ეხლაც მათ უნდა
შეუფრდეთ.

აბა, რა უნდა ჰქონოდათ
ამის საწინამდებარე „განათ-
ლებული და დემოკრატიუ-
ლი“ სახელმწიფოების წარ-
მომადგენლებს მაგრამ ამო-
ძრავდა „წყვეთილი ლითონი“.
ვაჭრული აღებ-მიმცელობის
საქმე დატრიალდა, გუშინდ-
ელი მეგობრები, დღეს გაიძ-
ვერულად გვიპირებენ მოპარ-
ვის ხანჯლის ჩაცმას...

სირცხვილი და სიწითლე
ვერ შეაქრობს მათ. ვინაი-
დან ასეთ საქმეებს ჩვეულო-
ნი არიან.

ამიერიდან უნდა იფიქროთ
რომ ბათომი გადაიქცევა სა-
ერთაშორისო მეწვრილობის
გების სპეკულიაციის ადგილად
და ეს გარემოება ყველაზე

უფრო სულის ქართულ მშრო-
მელ ხალხს შეუხუთავს. ბა-
თომში ფრანგებისა, ინგლი-
სელებისა და იტალიელების
ბათალიონები სწორედ ამ სპე-
კულიაციის დამცველებად იქ-
ნებიან და აქარის უკვე გამო-
ფხიზლებული მშრომელი ხა-
ლხი კვლავ განიცდის ალბად
ამ დაუპატიჟებელი ხიშტე-
ბის გავლენას...

ამის შეჩვენება ყოველად შე-
უძლებელია. საქართველოს
რევოლუციური მშრომელი
ხალხი მას ვერ მიიტებს და
როგორც ერთი კაცი მხედ
და გაბედულად შესძახებს
მტერ-მოყვარეთ:

შორს გასვრილი ხელები;
ბათომი საქართველოს უნდა
ეკუთვნოდეს!

მუშათა მოძრაობა და სინდიკა-
ლისტი საქართველოში.

როგორც ვიცით, საქართველოს მუ-
შათა მოძრაობა ალორძინა პოლიტი-
კური ინტერესებით გატაცებულმა
წერილ ბურჟუაზიულმა ინტელიგენ-
ციამ, რომელსაც საქართველოში წინ
არ მიუძღოდა არავითარი მუშათა მო-
ძრაობა დიდი ბრძოლა რევოლუციო-
ნური და ნიციონალური ნიადაგზედ
და მისი შედეგი პარლამენტარიზმი,
სადაც სრული ძალა უფლება ჩაუვარდა
ხელთ იმ პოლიტიკურ ინტელიგენციას,
რომელმაც ალორძინა მუშათა მოძ-
რაობა საქართველოში და რომელსაც
მრავალი ფერადი დაპირებების თა-
მასუქები ჰქონდა გაცემული.

აი ეს უახლოესი მეორე დრო, თუმ-
ცა ხანმოკლე თავისი დასაწყისით, მა-
გრამ მდიდარია მუშათა რევოლუ-
ციონური გამოცდილებით და ძლიე-
რია იმ გამაშიშვლებელი სინამდვილით,
რომელმაც ჩამოავლინა ფარდა სოცია-
ლისტების იმ მეჩანებს, რომლებიც
რამდენიმე ათეული წლებით არწმუ-
ნებენ საქართველოს მუშათა კლასს
ჩვენ მხოლოდ თქვენი ინტერესებით
ვიცხოვრობთ, და მართლაც თქვენი ინ-
ტერესებისთვის ვიბრძოდით.

დღეს არსებულმა სინამდვილემ სულ
სხვა დაანახა საქართველოს მუშათა
კლასს ვიდრე მას არწმუნებდნენ და
სჯეროდა გუშინ. დღევანდელი ქარ-
თველი მოწინავე მუშათა კლასი გამა-
ლებულის ნაბიჯით თანდათან რწმუ-
ნდება იმ გარდავულ სინამდვილეში,
რომ, მუშათა კლასის საბოლოო მი-
ზნის გამარჯვებამდე რკინის კანო-
ნების ზეგავლენით კლასიური კლდე-
ბშია მოწყვდილებული და მან ყოველ
გვარი ბრძოლა უნდა აწმომოს მხო-
ლოდ კლასიურ ფარგლებში ის უნდა
გახდეს თავისი ციხე სინამდვილე და
არავითარი დაპირების და დროებითი
მიზნისათვის ფეხი არ უნდა გამო-
ვას თავის კლასიურ სინამდვილედან თუ

მას უნდა აცდეს მერყეობას, ტყუილ
უბრალოდ საკუთარ ენერგიას ხარჯ-
ვას, და საკუთარ, თვით განვითარე-
ბის დახშობას. ამაში თანდათან რწმუ-
ნდება საქართველოს მუშათა კლასი
მაგრამ ამჟამად ქმნიან რეალურ და-
არწმუნებთ და არც დარწმუნდება მუ-
შათა გუშინდელი ხელმძღვანელები, რო-
მელთაგანაც მუშათა კლასი საშუა-
ლებია მათი პოლიტიკური მიზნების
თვის. ის ორი მოვლენა რომელიც თან
სდევს ყოველი ქვეყნის მუშათა მოძრაო-
ბას გამოიხატება ორ მთავარ დებულე-
ბაში.

1) პოლიტიკა და პოლიტიკური
აპეკუნების კუთხი გაყოფად და ამით
შესუსტება კლასიური ბრძოლისა და
კლასობრივი შემცენების.

2) კლასიური ბრძოლის და მისი
თვით შემცენების წინ წამოყენება, რო-
მელიც მხოლოდ პროფესიონალური
კავშირებში ვითარდება და რომელ-
საც უნდა დაეყვებინებინათ მუშათა
ყოველ გვარი პოლიტიკა და პოლი-
ტიკური პარტიები. ამ ორი მიმართუ-
ლებითა შორის ბრძოლამ დიდხანს გა-
სტანა ზომიერი ევროპის მუშათა შო-
რის, სადაც საბოლოო გამარჯვება
ყველგან მეორე მიმართულებას ხედა
წილად. მხოლოდ გამონაკლისი შეად-
გენდა ორი მონარქიული ქვეყანა გერ-
მანია; და რუსეთი. ორივე ადგილას
მუშათა კლასზედ ბატონობდნენ პო-
ლიტიკური პარტიები, ისინი იყვენ
წინ წამოყენებული და მუშათა კლასი
და მისი საბოლოო კავშირი ემორ-
ჩილებოდა და ემსახურებოდა მათ,
ამის მიზეზი იყო გერმანიის და რუ-
სეთის პოლიტიკური რეჟიმი, რომე-
ლიც მუშათა პოლიტიკურ პარტიას
მუდამ რევოლუციონური გზაზედ აყე-
ნებდა ასეთი იყო მდგომარეობა რუ-
სეთისა და გერმანიის მუშათა მოძრა-
ობისა. რაც პარტიის ნების არ
აძლევდა ოპორტუნიზმისა და პო-
ლიტიკური მერყეობისა. მაგრამ რა-
კი შეიცვალა პირობები, და გერმა-
ნიაში ძალაუფლება ხელთ იგდეს
მუშათა პოლიტიკურმა მიმართულებამ
მუშათა კლასს დაანახა თავისი სი-
კოტრე, და მოვლენამ მუშათა კლასს
მეოთხთა ნამდვილი გზისკენ. ყველა
ქართველმა მუშამ იცის ორი უტყუ-
არი ცნობა გერმანიიდან რომელიც
დაიბეჭდა „ერთობაში“ პირველი იყო
კორესპონდენცია ბ. რამსფელის, სა-
დაც აღნიშნული იყო ბრძოლა კოლე-
ტიურ პოლიტიკურ სოციალიზმს და
მუშათა სინდიკალურ სოციალიზმის
შორის მეორე ცნობა იყო გადმოგე-
დილი გერმანულ გაზეთიდან იმე
„ერთობაში“, რომელიც გვაცნობდა
გერმანიის ახალ გაზრდა მუშათა სა-
პროფესიო ყრილობის დადგენილებას.
ჩამოცილდნენ პოლიტიკური პარტიები
და შექმნა დამოუკიდებელი მუშათა
კავშირი, რუსეთის მუშათა მოძრაობა
ჯერ ჯერობით განსაკუთრებული გზით
მიმდინარეობს, მაგრამ, ექვი არ არის,
იგიც ამ გზის დაადგება.

ჩვენში, საქართველოში მუშათა მო-
ძრაობა პირდაპირ შეეჯახა კლასიურ
და პოლიტიკურ ერთი ერთობათა წი-
ნალმდებობას რომელსაც გარშემო უკ-
ვე დაიწყო ბრძოლა. რა ხასიათისაა
ეს ბრძოლა და რა მიმართლება უნდა
მიიღოს, ამაზე შემდეგი.

(შემდეგი იქნება)

სინდიკალისტი.

გიგაჩინის ახალი ნოსტა.

ეს ერთი ხანია საქართველოს მთავ-
რობასა და რუსეთის საბჭოთა მთავ-
რობის შორის ხშირი ნოტების გაცე-
ლა-გამოცემა სწარმოებდა; შეიძლება
ითქვას, რომ ამ ხრიკ თავისებური
„ქიდილია“ გამართული, რუსეთის სა-
გარეო საქმეთა კომისარი ბ. ჩიჩერინი
მთელ რიგს ბრალდებისას უყენებს
საქართველოს მოაზრობას და ხშირად
ცდილობს შავი ფერადებით დაუხატოს
ევროპის ჩვენში დამყარებული წეს-
წყობილება. სამაგიეროდ, არც ჩვენი
საგარეო საქმეთა მინისტრი სტოვეს
უპასუხოდ ჩიჩერინის ნოტებს და თა-
ვის მხრივ ბევრ რამეში ამხილებს
საგვების მეთაურებს. ყოველივე ეს
უტყველია, არა სასურველი და სამწუ-
ხარო მოვლენაა. ჩვენ არ გვინდა შე-
ვებით ყველა იმ ბრალდებას, რომელ-
საც ორივე მხარე ერთმანეთს უყე-
ნებს, მაგრამ ერთი რამ კი გადაჭ-
რით უნდა განაცხადოთ. ჩვენ ძლიერ
კარგად ვხედავთ იმ ბევრ უაღმარა-
ობას, და ბოროტებას რომელსაც
ადგილი აქვს ჩვენს ქვეყანაში, მაგ-
რამ მათი კოტიკა, მათ წინააღმდეგ
ბრძოლა ეს ქართველი მუშათა კლასის
საქმეა და არა იმით, ვინც დღემდს
ვერ გათავისუფლებულა იმპერიალის-
ტური ზრახვებისაგან და თვით რევი-
ლუციურ ფრანგოლოგიაშიაც ვერ
ახერხებს მის მიქმალვას. ქართველი
მუშები უკვე იმდენად ერკვევიან თვის
მოწოდებაში, რომ თვით შესძლებენ
ყველას გასცენ სათანადო პასუხი და
სავსებით შეამზადონ ადგილობრივ
ნიადაგი დიდი საერთაშორისო რევი-
ლუციისთვის რასკვირველია, ეს იმას
არ ნიშნავს, რომ მათ უდიდესად მჭიდრო
კავშირ, არ უნდა ექნესთ ყველა ერის
მაშვრალბთან, მაგრამ ამ საკითხში
მათ მოქმედებას ხელს უშლის ის
გარემოება, რომ რუსეთის მთავრობის
მრავალი გაუგებარი მოქმედების გამო
მის არსად შობილ ეროვნულ თავისუფ-
ფლებას ბევრი რამ ელობები წინ. და
სწორედ ეს მოვლენაა, რომ აფერ-
ხებს მის კლასობრივ შემცენების სათან-
ადო განვითარებას და ხელს უკა-
რავს მის (რევოლუციურ ბრძოლას
ეს კარგად უნდა მოეხსენებოდეს ყვე-
ლა მათ, ვინც ქართველი მშრომელი
ხალხის დამცველობას და ვეჭილობას
ჩემულობს. აუცილებლად საქიროა,
რომ გაინწყინდოს გამწვავებული ატ-
მოსფერა და სრული ნორმალური
დამოკიდებულება დამყარდეს საქარ-

თველოსა და საბჭოთა რუსეთის შო-
რის. სხვა რომ არ იყოს რა, მათ
საერთო ის მაინც აქვთ, რომ ფრთე-
ბი შეაკვეცონ ანტანტის იმპერიალის-
ტური სახელმწიფოთა ბნელ ზრახვებს
და ხელი შეუწყონ ნამდვილ საერთა-
შორისო მშვიდობიანობის დამყარებას.
მხოლოდ ასეთ ატმოსფერაში შეიძ-
ლება სრული მეგობრული კავშირი
დამყარდეს რუსეთის და საქართველოს
მუშათა კლასის შორის. და რაც უფ-
რო მალე მოხდება ეს, მით უფრო
მეტი ძალა შეემატება ძლიერ საერთა-
შორის მოძრაობას, რომელმაც უნდა
გაანადგუროს ბურჟუაზიულ ქვეყანა
და დამყაროს ახალი შრომის სამეფო.

ანაბატისტი.

კვირეული

(გაგრძელება).

ბათომი.

ბათომის საკითხი ვერ გადაწყდა!
ყოველ მხრივ სწარმოებს მუშობა,
მაგრამ არ იქნა და ვერა, თავის ერთ
ხორცსა და ერთ-სისხლს დედა საქარ-
თველოს ბათომი ვერ დაუბრუნდა...

ბათომი ხომ თვალშია საქართვე-
ლოსი?...

და ვიდრე ჩვენი მტერმოყვარები, ბა-
თომში პარპაშებენ, ვიდრე იმპერია-
ლისტების ხელი ბათომში მუშაობს,
განა შეუძლია დაწყნარდეს და ბრძო-
ლის იარაღი საქართველომ დაყაროს?

დღემდე იმედი იყო. წასულ კვირა
ში ბათომის საკითხი თითქმის უფრო
გამწვავებით დადგა და შეკითხვებიც
კი შეუთრეს, ჩვენ არ ვიცით რაშია
საქმე!

როგორ ფიქრობენ ხელის უფლნი!
ხოლო ვინც ეკითხება ხალხს, მან
უნდა მის მოთხოვნილებას ანგარიში
გაუქოს და აღიაროს, რომ, უბათო-
მოდ საქართველო ვერ იცოცხლებს
და არც უნდა იცოცხლოს!

დღის წესრიგში სდგას ბათომის
შემოერთება, თვით მდგომარეობა გვი-
ბრძანებს მას და ამიტომაც დღესვე
უნდა შევიდეთ იქ, სადაც გვითმობენ
ჩვენი უმცროსი ძმები, მაჰაღიანი
ქართველები?

ჩვენ რა თქმა უნდა ხელს ვერ ვკრავთ
საქართველოს განთავისუფლების ჟამს
იმით, ვინც მრავალ ჭირსა და ლხინს
ჩვენთან ერთად ინაწილებდა, იმით,
ვინც ჩვენს სახელს ატარებს, ჩვენი გვა-
რით ცხოვრობს და ჩვენი სისხლი-
სა და ხორცის მოსიარე და მონაწი-
ლეა და ამიტომაც უნდა აღსრულდეს
„ხმა ღვთისა და ხმა ერისა“ და საქარ-
თველოს მაგრა ჩაქეტილი ყარები სა-
კუთარის ოჯახისა უნდა დაუყოვნებ-
ლივ შეამტერიოს...

ასე ყოფილა და ასე უნდა იქნეს...
ჩვენი ღვიძლი ძმების ტანჯვასა და
წამებას უნდა ბოლო მოვუდოს და იგი-
ნი, ვითა განუყრელი თანამომენი,
თქმა არ უნდა, ჩვენთან უნდა იქნენ!

ამით ვერც დაგვიტყვიან რაიმე ნაციონალისტურ ან სახელმწიფოებრივ განზრახვას...

გულგრილად ვერ უყურებთ მას, რაც ერს განუყოფელ სხეულად მიიჩნია და მას ძალად კვეთენ... გულზე ხელზე დაკრეფილი ვერ გაეჭრებოდა როცა ჩვენი ძირითადი ტანჯული ქვეყნის უბედურებას ვუტყუროთ, როცა ყოველგვარი იმპერიალიზმი ჩვენს წინააღმდეგ ილაშქრებს და ეუხმობთ მათ, ვისაც უნდა ესმოდა: „შენი სამშობლო დღეს სდგება, შენ სამშობლოა დღეს სდგება სიხრიან, შენ მოველე ხარ ახლავე აისხა და ერი და ქვეყანა დაიკარგა“!

საფრანგეთის მუშათა კლასი.

ჩვენი უფროსი ძმები, ფრანგი სინდიკატისტები უკვე ბრძოლის ველზე გამოვიდნენ. შრომის სინდიკატების დინამიკა, მოფიქრებულმა და მიზანშეწონილმა დაკვირვებამ საფრანგეთის სულიერი განწყობილება უფროდ შეაფუთა...

მოლიერანი ბევრს ეცადა, მაგრამ ვერც შტრეიკებზეთა გამოსვლა, ვერც სამხედრო სამინისტრომ ვერაფერი ვერ გააწყვეს და საფრანგეთი ამ მოულოდნელ მუშურ დატაკებით შეძრწუნებულ ადამიანს დაემსგავსა...

ბირჟა—თითქმის მოკვდა, პირველ მოთხოვნების საჭიროება საშინლად აიწია, მატარებელთა მიმოსვლა შეწყდა ნომრები არავენ იყო, ბერძენი-ბიული პარიკი შეშინდა და დაფრთხა, ყოველი ღონისძიება იქნა ხმარებული, რომ მუშები იძულებული იყოს მუშაობის დასაწყებად.

მაგრამ მტკიცე გადაწყვეტილებით უბასხა ორგანიზაციულად დარაზმულმა მუშათა კლასმა, და ბერძენი-ბიული საფრანგეთის იერიში მოიგერია, მოლიერანი იძულებული შეიქნა დაეთმო მუშებისათვის და საფრანგეთის პროლეტარიატმა გამარჯვების დროშა ააფრიალა.

რკინის გზელთა გაფიცვა საფრანგეთის სინდიკატისტ მუშებისა ბოწყინვალე გამარჯვებით დამთავრდა.

მილიერანის მთავრობამ ეს ერთი დასამო, და ვინ იტყვის, რომ პირველს მეორე ძლიერი გასაგვლა არ მოყვება, ვინ იწინასწარმეტყველებს, რომ მილიერანი ისევ არ დასიმობს და იძულებული არ იქნება საფრანგეთის პროლეტარიატს ქედი მოუხაროს!

ჩვენ კი საქართველოს სინდიკატები ამ ფრანგ ამხანაგების გამარჯვებით კიდევ ერთხელ გამოვსატყვამთ ჩვენს სიხარულს და ხაზს ვუსვამთ იმ გამოვლენას რომ მხოლოდ კლასობრივად შეკავშირებულ ძალას, რომ მხოლოდ ორგანიზაციულად დარაზმულ პროლეტარიატს ძალუძს ყოველ გვარ ხაზების გაღვიძებული მადა და გემოვნება ჩაქლას და ამიტომაც საფრანგეთის პროლეტარიატის ნაბიჯი ე-თხელ კიდევ გვარწმუნებს იმაზე, რომ მუშათა კლასის განთავისუფლება მხოლოდ მუშების საქმეა.

ს. კოლხიდელო

ჩვენი საკითხი გავი.

მანამ ჩვენი ტაქტიკის შესახებ რასმეს ვიტყვოდეთ, ზედ-მეტად არ მიგვაჩნია აღვნიშნოთ რომ ჩვენი კავშირი დიდი ხანი არ არის რაც დაარსდა და რაც მან მიიღო გარკვეული სახე. ამიტომ იგი ჯერ კიდევ ჩამოყალიბების პროცესშია და ზოგიერთი საკითხს კვლავ უნდა კრიტიკის დარჯჯაში გატარება. განსაკუთრებით სადავოა ტაქტიკის საკითხი. და როცა ვახუთ „ახალ ნაკადში“ № 44, 45 ჩვენ ვნახეთ წერილები „ტაქტიკა“, რომლის ავტორებიც წერილები ხელმოუწერელია და აღბათ ან საპროგრამო კომისიის შემუშავებული ან სხვა ორგანოსი. ამ საკითხს თავისებურს ჩვენი აზრით, ცალსახად დადს ასვამენ, რის გამოც გვეძლევა საშუალება ამხანაგებს გაუფიქროთ ჩვენი შეხედულებანი და ამ რიგით

სგვადახევა მოსაზრებები მათ სამსახურს წინაშე დავსათ. ამიტომ იმედია ამხანაგი „ტაქტიკის“ ავტორები და ის ამხანაგები, რომელნიც მასში გამოთქმულს აზრს იზიარებენ, ამას ჩვენ დიდს კადნიერებათ არ ჩაგვივლიან.

გზას, რომელიც „საქართველოს რევოლუციონერ სინდიკატისტ მაშვრალთა კავშირმა“ „ჩრია სოციალიზმ—კომუნიზმის განსახორციელებლათ, რათქმა უნდა იცნობს ევროპის მუშათა მოძ. მაგრამ განსაკუთრებით იგი ნაცნობია ლათ-თა ხალხის ქვეყნებში და აქვე უნდა ითქვას ამ მოძრაობის შესახებ ყველგან ერთი აზრის არ არიან. ჯერ ერთი ზოგიერთს ქვეყნებში სინდიკატისტური მოძრაობა ვადკვანძულობს სოციალისტურ პარტიების მოძრაობასთან და ეს ორი ორგანიზაცია ერთმანეთის შემავსებელი არიან და ორგანიზულ*) მთელს წარმოადგენენ ერთად (გერმანიაში, დანიაში და სხვა.)

და მეორეც სინდიკატისტური მოძრაობის ორი შტოა ცნობილი, რომელთა შორისაც ერთი „ყვითელ“ სინდიკატისტების, ანუ რევოლუციონერების სახელით არის ცნობილი და მეორე კი „წითელ“ ანუ რევოლუციონერ სინდიკატისტების. პირველთა აზრით სინდიკატისტური მოძრაობა არის ისეთი საშუალება უმთავრესათ, რომლის მოხერხებითაც შესაძლებელია სამუშაო დროის შემცირება, ხელ ფასის გადიდება და სხვა ყოველ დღიურ მოთხოვნილებათა ანგარიშის გაწევა და ისინი უმთავრესათ ხასიათდებიან თავიანთი მშვიდობიანი კომპრომისულ მოქმედებით.**) რაც შეეხება მეორე შტოს სინდიკატისტურ მოძრაობისას, თავის წიაღში თავს უყრის ყველას მოუღრეკელს მებრძოლს სოციალიზმისთვის და ისინი აწარმოებენ სამკედრო სასიცოცხლო ომს ყველა მოწინააღმდეგეთა. ეს მომდინარეობს სინდიკატისტური მოძრაობისა განსაკუთრებით ფეხ მოდგმულია საფრანგეთში იტალიაში და ზოგიერთ სხვა ქვეყნებშიაც.

ჩვენ პირველი ტიპის სინდიკატისტებთან არაფერი საქმე არაგვაქვს, მათთვის გზა დავიღაცნია, ჩვენ ვიზიარებთ რევოლუციონერ სინდიკატისტების აზრსა და იღებ, ამიტომ როდესაც ამა თუ იმ საკითხზე ლაპარაკი გვქმნება და ჩვენი მოსაზრება გვინდა დაუმორჩილოთ სინდიკალიზმის პრინციპებს, ყოველთვის მხედველობაში გვყავს რევოლუციონერ სინდიკატისტები.

სინდიკალიზმის პრინციპი წარმოიშვა და აღორძინდა და ასეთ პირობებში.

როდესაც პროლეტარიატმა საბოლოოთ შეიგნო ის რომ თავის პატრონი თვითვე უნდა შეიქნეს, თავის არსებობაში უნდა ეძიოს ძალები, რომლის საშუალებითაც შესაძლებელია არსებულ ეკონომიური მონობისაგან თავის დაღწევა, მაშინ მან გადაწყვიტა სოციალიზმის განხორციელების მესაქმობა თვითონ იკისროს და ამისთვის დარაზმოს პროლეტარ მებრძოლთა არმიები თავის პროფესიონალურს კავშირებში გაუღვივოს

*) იხ. СИНДИКАТЫ И ПАРТИЯ ფრანგულიდან თარ. კრეფუდოვისა წერილები მ. ოლსენის, კესტის და სხვათა.

**) მ. ა. ჩერმბერგი „Профессиональные рабочие Союзы“ გვ. 22 და 23.

მას რევოლუციონერული ცეცხლი და საჭიროების დროს სავესებით შეგებულ და საომრათ მომზადებული გამოიყენოს ბრძოლის ველზე. ის ისევე შეუდგა პროფესიონალურს კავშირებში ან სინდიკატებში მტკიცეთ ჩამოყალიბებას. რის შემდეგაც ააფრიალა დროშა, რომელზედაც ეწერა „მუშათა განთავისუფლება, თვით მუშათა საქმეა“. საფრანგეთში ამ მოძრაობამ უფრო გარკვეული და ფართე სახე მიიღო მუშებში: ჩამოცილდნ პოლიტიკურს პარტებს და იწყეს დარაზმის სინდიკატებში. აქვე უნდა აღვნიშნოთ. რომ მუშათა ამ ლტოლვას სინდიკატებისკენ საფრანგეთში ზოგი სინდიკატისტურ მოძრაობასთან ახლო მდგომი მწერალი სხვანაირათ ხსნის და ზოგი სხვანაირათ. მაგალითად ლაგარდელის აზრით ამის მიზეზი იყო ის, რომ სოციალისტურ პარტიებს ურთიერთ შორის განუწყვეტელი დავა ქონდათ და ეკონომიურ ბრძოლაში შექონდათ განხეთქილება, ყველა მათგანი ცდილობდა თავის იდეების მოხვევას მუშათა პროფესიონალურს კავშირებში რაიც მუშათა მოქმედებას ასუსტებდა,*) ჩვენი თანამემამულე კ. ორგვიანის და მის თანამოაზრეთა შეხედულებით ამის მიზეზები იყო ის რომ მუშებმა დაკარგეს რწმენა „როგორც უმაღლეს და მაგიურ ძალთა, ისე რწმენა თვით სახელმწიფოსი და მუშათა გარეშე მდგარ სახელმწიფო პოლიტიკურ პარტიათა.**) ჩვენ ისტორიის კვლევას გარკვევებით, მხოლოდ ფაქტს აღვნიშნავთ. მუშები შეუდგნ პროფესიონალური კავშირების საშუალებით სოციალიზმისკენ გზების გაკაფვას. ისინი ცდილობდნ ასეთს ორგანიზაციებში პარტიული განხეთქილებას აღვილი არა ქონდა, თუმცა თავიანთ სინდიკატების წევრებს, როგორც პიროვნებას არ უშლიდნ ყოფილიყო რომელიმე პარტიის მიმდევარი თუნდ წევრი, მხოლოდ მას ნებას არ აძლევდნ; თავისი ვიწრო პარტიული შეხედულებანი პროფესიონალურ ორგანიზაციებში შეეტანა. სწორეთ ამ დროს სოც.—დემოკრატიულმა პარტიამ და ანარქისტებმა დაუწყეს ხელის პოტინი. პირველმა ამისთვის, რომ მათ მუშები გაეცათ და პარტიულ ორგანიზაციების კრახის მოლოდინში იყვნ და მეორენი კი იმისთვის, რომ მათი ტაქტიკა ცხოვრებამ დაამსხვრია და ისინი გაიყა, რის გამოც ნიადაგის ძიების ხანაში იყვნ.

ამ რიგათ ეს ორი ერთი მეორის მოწინააღმდეგე მიმართულეა, როგორც პრინციპებით აგრეთვე ტაქტიკითაც, რომელთა შორის უღმობელი ბრძოლა ცნობილია ინტერნაციონალში, შეიქრა სინდიკატებში და ორივე ცდილობდა სინდიკატისტური ან და როგორც იტყვიან, მუშათა დამოუკიდებელ მოძრაობისთვის თავიანთი იდეები და ტაქტიკა თავზე მოეხვიათ.

აქ კვლავ არის გაჩაღებული ბრძოლა ორს მიმდინარეობის შორის და ერთი ჯგუფი სინდიკალიზტებისა თუ იზიარებდა სოც.—დემოკრატების პრინციპებს, ამავე დროს თანაუგრძნობდა ანარქისტ-

*) ლაგარდელი Револуц. Синдикализм. გვ. 53. **) კ. ორგვიანი—სინდიკალიზმი გვ. 35.

ტების ტაქტიკას; მეორე კი წინააღმდეგი იყო აღმსარებელი ანარქისტების პრინციპებისა და სოც.—დემოკრატიის ტაქტიკისა.

აი სწორედ ამ ორს მსოფლმხედველობის ბრძოლათა შორის ჩიხსახა სინდიკალიზტური მოძღვრება, რომელმაც როგორც ანარქიზმიდან, აგრეთვე მარქსიზმიდან ბევრი რამ ისესხა, შექმნა განსაკუთრებული ტიპი მუშათა მოძრაობის, დაბადა იდეალები და წარმოშვა იდეოლოგია.

არც ერთი თეორეტიკოსი მარქსიზმისა არ ჩაითვლება სინდიკალიზმის თეორეტიკოსათ ისე როგორც არც ერთს ანარქისტს არა აქვს უფლება სთქვას, რომ ის არის სინდიკალიზმის თეორიის შემქნელი არამედ ორივე მათგანი ცდილობდა თავის პრინციპები და ტაქტიკა კონტრბანდათ შეპარებოდათ სინდიკალიზტურ მოძრაობაში და ამნაირათ იგი ჩაეგდოთ კლანჭებში. დღესაც საფრანგეთში თუნდ სხვაგან სინდიკალიზტურ მოძრაობას ესა თუ ის დიდი აზის ეს იმას არ ნიშნავს, რომ სინდიკალიზმმა იგი საბოლოოთ შეიისისხობრცა და ქეშმარიტს გზას ადგას, არამედ ეს იმასა ნიშნავს, ამა თუ იმ მიმართულებამ, რომლის გავლენის ქვეშაც დღეს იმყოფება სინდიკატები, დროებით გაიმარჯვა და მეთაურების როლი ხელთ იგდო და მით მუშათა დამოუკიდებელს მოძრაობას დაუხშო თავისუფალ მოქმედების კარები. მაგრამ კვლავ ვიმეორებთ, მათი გავლენა სინდიკალიზტურ მოძრაობაზე იმას არ ნიშნავს რომ ცნობილ ანარქისტები პელუტიე ემილ პუჟე, თუნდაც ჩვენი თანამემამულე კ. ორგვიანი, რომელნიც დღეს და წინათაც სინდიკალიზტურ მოძრაობას უდგანან სათავეში, იყვენ მისი მსოფლმხედველობის შემქნელი, ისე როგორც ასეთი როლის კისრებას ვერ გაბედავენ გედი თავის ამხანაგებით საფრანგეთში, ელუარდ ბროუტინი, ემილ ვანდერველი სხვაგან, რომელთა შორისაც განსაკუთრებით პირველი საფრანგეთში ძალიან ბევრსაც სწვრდნ სინდიკალიზმზე, და პარტიკულათაც ბევრს მუშაობდნ.

(შემდეგი იქნება)

სერ. გერსამია.

უპანასწნალი აზგაგი.

ბოლშევიკების ახალი გამარჯვება. ბოლშევიკებს აუღიათ არმაგირი, პიატიკორსკი, გეორგიევსკი და სხვა ამ გვარად „მოხალისეების“ ბედი უკვე გადაწყვეტილია.

გადატრიალება გერმანიაში. გერმანიის მონარქისტებმა ჯარის დახმარებით გადატრიალება მოახდინეს და ახალი მთავრობა შეადგინეს; როგორც ვახუთები იუწყებიან, დაწეხულა ბრძოლა მუშებსა და ჯარებს შორის. ახლა მომავალი გვიჩვენებს, თუ როგორ დაბოლოვდება ეს ბრძოლა.

ფედერალურ საბჭოს კრეა.

შაბათს, აპრილის 17 წ. ქალაქ ქუთაისში შესდგება ჩვენი კავშირის ფედერალური საბჭოს კრება.

განს ხილველია! მომენტი და ტაქტიკა. თითუღი ორგანიზაცია მოვალეა განიხილოს ეს საკითხი და განსაზღვრული დაეაღებთ გამოგზავნოს ერთი წარმომადგენელი ყრილობაზე. (დაწერილებით შემდეგ).

მთავარი გამგეობა.

დავოს გუზაგი და ალ-მინისტრისა

რევოლუციონერული ბიუროკრატული მონარქიკობა თვისი წარსული მოიგონა და შეუდგა ახალის გეგმით და სისტემით შევიწყოვებას რკინის გზის პროლეტარიატისას.

დვპოში, მაგალითად, შემდეგ ბოროტებას აქვს ადგილი.

მოსამსახურეს წლიურათ ეძლევა ექვსი უფასო სამგზავრო ბილეთი, ამის გარდა ეძლევა თავისთვის და ოჯახისათვის თვეში ერთი სასურსათო ბილეთი; მოსამსახურე თავისუფალ დროს მიემგზავრება სოფლათ სადმე იათ სურსათის შესაძენათ, ან ჰგზავნის თვის ოჯახის წევრს. არის ხოლმე შეთხვევა, ბილეთის კანტორიდან გაიწერს, მაგრამ ოჯახურის მიზეზების გამო ვერ წავა, ვერ ისარგებლებს ბილეთით, ან არის კიდევ შემთხვევა, ვერ მოასწრებს კასაში შემოწმების ბილეთი (законнаешир-батт) ეს მოვლენა, რასაკვირველია, შემთხვევითია და ყველა მომავლად შემთხვევა.

რკინის გზის აღმინისტრაცია ამ შემთხვევითი მოვლენებს ბოროტოქმედებათ სთვლის და გააცა ბრანება: როდესაც მოსამსახურე სასურსათო ბილეთს დააბრუნებს, თუ არ აღმონდა იგი ორივე მხრიდან შემოწმებული სადგურის კასაში, წარადგინოს ის მოსამსახურე და გადახდევინოს ორმაგი ფასი მგზავრობისა. როგორც ზემოთ ვსთქვით, ზშირი არის შემთხვევა მოსამსახურეს არ უსარგებლო ბილეთით და დაბრუნებისას იგი წარუდგენია ორმაგ ფასის გადასახდე-ლათ.

აი თუ გინდათ კანონი სწორეთ ეს არის.

სად არის სიმართლე, რასფიქრობდა ამ კანონის და ბრძანების გამცემი? განა არ შეიძლებოდა სხვა ზომა ეხმარა იმისთვის, რომ მოსამსახურე შეუმოწმებელ ბილეთით არ წასულ-იყოს, ყველა ვაგონს თვისი კონდუქტორი ჰყავს, შეეძლოთ მიეცათ სასტიკი ბრძანება, რომ შეუმოწმებელი ბილეთით ვაგონში არ შეეშვათ, როგორღაც არ უშვებენ უბილეთოებს.

ესეთი მახინჯი კანონის და ბრძანების გაცემა უფრო ბოროტებათ უნდა ჩაითვალოს. ვიდრე ბილეთის შეუმოწმებლობა.

ნუ თუ ის ბოროტება არ არის, რომ მოსამსახურეს არ უსარგებლო ბილეთით და თქვენ კი ორმაგ ფასს ახდევინებდნ, ვერ გამოგა რათ ისჯება ეს უდანაშაულო ადამიანი? დვპოს ცხოვრებაში ათეულობით არის ესეთი მაგალითები და ამას უნდა მიექცეს ღირს ყურადღება პროფესიონალური კავშირის,

კ. მუშა

რედაქტორ-გამომცემელი
კოლეგია

გ ა მ ო ლ ი ა
„პრონოსის სარაი-ს“
№ 3.

მონაწილეებენ პოეტები: ტერენ-ტუს გრანელი, კონნე სპერელი, რაულ გოგოხია, გ. ბრონტეინი, პერკულეს ჟანელი, ს. კოლხიდელო, ა. ბერეკაშვილი, დემნა. დ. შენ გელაია.

ს. ერთაქმინდელი
1910 წ.

კოეტი-არწივი
დაიბედა და იყიდება ყველგან წიგნი მე-12-ე
1920 წ.